

書

漢儒說經各有家法何謂
家法經者夫子之所修而
七十子傳之遞相授受以及
於漢儒必定從一家以名其
學故謂之家法也宋書百官
志云漢武建元五年初置

五經博士宣成之世五經家
法稍增經置博士一人後
漢書儒林傳云光武中興
愛好經術未及下車而先
訪儒雅於是立五經博士
各以家法教授此之謂也

漢末大儒鄭氏康成乃會通
眾家編釋羣經獨春秋左
傳則不注而以推服子慎自
是以後天下竝稱鄭服晉杜
預者乃別為集解一書夫名
曰集解則是集合諸家之解

矣其自序乃云劉子駿創通
大義賈景伯又子許惠卿皆
先儒之美者也末有穎子昂
者雖淺近亦復名家故特
舉劉賈許穎之遺以見回
異吁左學以服為首杜解中

攘竊其義甚多顧隱而不
之明係忌服名高作此狙詐
自孔穎達疏附會之云杜以
先儒之內四家差長故特
舉于左回異自餘服虔之
徒殊劣於此輩故棄之而

不論此等夢囈之談將誰
欺乎願在晉功名既感書
遂大行而南士輕浮好異
故六朝皆以杜為宗能北
史儒林傳云左傳江左則
杜元凱河洛則服子慎是

知服氏家法猶在北方奈何
唐人襲用劉光伯義疏又惟
杜是遵邪嚴生豹人安
貧樂道篤志嗜古作春秋
內傳古注輯存漢人家法
以藉以不墜山寺出彼杜氏

之為駁多師嚮壁虛造
者尚能以惑人哉且夫學
莫善於有本而功莫大於
存古九經疏濬學佚其四
而穀梁之用范記定用猶為稍
可其佚而可惜者周易尚量

左傳也周易有李鼎祚王

應麟所輯尚書有予所

輯漢學略具梗概惟左傳

未有輯本予是表者序生

所輯魯齊韓三家詩

曾反西漢依回屬望乞生

果能踐此言再有此輯
彼詩有毛鄭豈歸然在生
所按羅願功差小若此編
繼絕表微功視詩尤偉矣
生性謙未敢定從一家要
其輯之本意原欲定從

服氏服注殘朔故不得不兼
取賈逵賈注又殘朔故不得
不兼取劉歆鄭興及興子衆
而諸注又不全不得不苟取以
益之撮拾鳩聚遂至數家竹
頭木屑船釘秤星裝合輻

湊裂眉目井一字裏行間苦心如見予序其書不禁雀躍欣喜以為斯文之厚幸焉丁未仲春西莊老史王鳴盛題時年六十有六

例言

積學齋徐乃昌感書

唐儒義疏于經不為無功但嫌擇取不精未堪奉為準的即如春秋內傳取杜易書之取王弼偽孔皆魏晉人改師法者并又曲拘一家庸妄之說不從漢儒精核之誼間遇支吾之處不能曲為臆說以扶繆誤仍引一二經師舊說用相考證以故漢人經義不盡湮沒者尚賴此得存什一葢居貧多暇采錄羣經正義及史記後漢書三國志注及唐人類部諸書所引內傳漢注共得如千條雖非全書然嘗鼎一臠足知正味學士勿以缺而不完度諸高閣

漢書劉歆傳云歆校秘書見古文春秋左氏傳大好之從尹咸翟方進受左氏質問大義又云歆治左氏引傳文以解經轉相發明由是章句義理備焉後漢書鄭衆傳云衆從父受左氏春秋作春秋難記條例唐陸氏釋文亦云然兩家古注亡佚久矣葢今拮拾子駿所傳五行仲師之注周官間有引徵經傳用相發明訓釋字義亦足旁通雖劉鄭之注別有所屬然據史傳所稱兩君俱有傳注卽謂此注爲傳注孰云不可

漢儒注解翼贊經傳咸能各依本文敷暢厥指義理剖判無少疑滯然諸君辭多援據注鮮臆度卽所引用或

有與杜預殊異者此蓋古今訓義不同未足生疑况漢人所據書籍晉人安能盡覩至於實無所據或有隨文解釋要亦信而有徵非若杜預末學遇有未通訊說越理穢濫實多是爲左氏之蝥賊反得大顯良可憫也

今本左氏傳年上有經傳字是杜預所題以分年相附此亦杜撰之一端也葢今依其所分亦標經傳以別之者蓋集解單行已久恐稍爲改易易生學士少見多怪之疑至於預之改經以從其注如宣二年遂跣以下預改跣爲扶襄二十五年陪臣干誣預改誣爲擻之類惜乎賈服古本不可得見莫能一一校對刊其繆誤止就釋

文所列異同注明本文之下云某本作某字略存賈服古本真面目之槩耳

諸書所引漢注卽於注下注明書名庶便檢核或有一注而數見者其文句之間有多有少葢未敢定彼從此祇就最詳者錄之而已餘止載書目曰正義者孔氏本經正義也他經正義則標明某經某正義以別之也許未重五經異誼中載左氏說者皆經師舊說也但原書已亡僅見之於羣經疏中不曰某經某正義者存其本來耳

葢采輯存乃知集解一書其文證詳悉義理精審者皆

屬漢人舊說或辭多舛譌理昧精研者俱出一已新意

蓋預本膚淺俗儒未經師匠反欲違禮媚時創爲旣葬

除喪之說并思盲聾千古濫入麟經傳注之中隱元年

及哀注云諸侯以上旣葬則練麻除此甚可閔笑者抑何無忌憚若斯耶

杜預之繆不可勝記葢別有左傳杜注摘繆將復嗣出

印可故此於古注下不盡指斥焉

劉歆傳云初左氏傳多古字古言學者傳訓詁而已改

從今文大半出之杜預手今唯公卽立見周禮曰爲表

夫人及有文在其手曰歆見正義引石經古文寥寥數見而已鄭

康成注三禮不敢擅改間有改正仍存故書漢儒虛心

詳慎晉人率意妄改殊可痛恨者也

葢家臧注疏本曾借友人唐石經宋槧本對校略有增
改別成汲古閣春秋疏補正一書此但就有古注經文
及引用賈服注正義今各舉其一餘可類例僖四年傳
昭王南征沒而不復增監本之漏一沒字隱元年正義
魯公自與戰改毛刻之隱為魯字學士瀏覽此書幸宥
葢之非妄可也

何劭公注公羊以昭定哀為所見之世文宣成襄為所
聞之世隱桓莊閔僖為所傳聞之世顏安樂以襄二十
一年孔子生後即為所見之世其說未允葢今古注分
為三冊者蓋亦主何氏說也

正義

公及邾儀父盟于蔑茂公穀作昧

賈服以為儀父嘉隱公有至孝謙讓之義而與結好

故貴而字之善其慕賢說讓正義

天王使宰咺來歸惠公仲子之賵

服虔云咺天子宰夫周禮大行人疏

服虔云賵覆也天王所以覆被臣子正義

傳不書即位

賈服以為四公皆實即位孔子修經乃有不書正義

未王命故不書廢

賈服以為北杏之會時已得王命正義

服虔云廢者醮也所以醮盡其材也正義

初鄭武公娶於申

賈逵云凡言初者隔其年後有禍福將終之乃言初

也正義

生莊公及其叔段

賈服以其為諡正義

請京

賈逵曰京鄭都邑史記鄭世家注

都城過百雉

左氏說一丈為板板廣二尺五板為堵一堵之牆長
丈高丈三堵為雉一雉之牆長三丈高一丈以度其
長者用其長以度其高者用其高也五經異詁

大叔完聚

服虔以聚禾黍也正義

大叔出奔共

賈逵曰共國名也史記鄭世家注

謂之鄭志

服虔云公本欲養成其惡而加誅使不得生出此鄭
伯之志意也正義

遂寘姜氏于城潁

賈逵曰鄭地也史記鄭世家注

不及黃泉

服虔曰天 地黃泉在地中故言黃泉史記鄭世家注。文選繆

熙伯挽歌注。古詩十九首注。揚子雲劇秦美新注

潁考叔為潁谷封人

賈逵曰潁谷鄭地史記鄭世家注

公入而賦大隧之中其樂也融融姜出而賦大隧之外
其樂也洩洩

服虔云入言公出言姜明俱出入互相見正義

同軌畢至

服虔以軌為車轍也正義

有宋師

服虔以為宋師即黃之師也是時宋來伐魯公自與

戰正義

公不與小歛故不書日

賈逵云不與大歛則不書卒正義

經二無駭帥師入極穀梁傳作無駭

賈云極戎邑也正義

經三二月己巳日有食之

劉歆以為正月二日燕越之分野也凡日所躔而有

變則分野之國失政者受之人君能脩政共御厥罰

則災消而福至不能則災息而禍生故經書災而不

記其故蓋吉凶無常隨行而成禍福也周衰天子不

班朔魯 不正置閏不得其月月大小不得其度史

記日食或言朔而實非朔或不言朔而實朔或脫不

書朔與日皆官失之也漢書五行志下下

傳潢汙行潦之水

服虔云畜小水謂之潢水不流謂之汙行潦道路之

水正義。文選班孟堅答賓戲注

衛莊公娶于齊東宮得臣之妹

服虔云得臣齊世子名居東宮詩碩人正義

石碯諫曰漢石經公羊殘碑碯从足作踏

賈逵曰石碯衛上卿史記衛世家注

驕奢淫佚所自邪也

服虔云言此四者過從邪起正義

經四年衛州吁弑其君完

賈氏以為弑君取國故以國言之正義

夏公及宋公遇于清

劉賈以遇者用冬遇之禮正義

傳將修先君之怨于鄭

服虔以先君為莊公正義。蔚案杜注謂二年鄭人代衛之怨史記衛世家稱桓公

十六年為州吁所弑則隱之二年當桓之十四年也州吁弑桓而稱先君恐無是理先君之怨其在春秋之前明矣

服說是

以除君害

服虔云公子馮將為君之害詩擊鼓正義

敝邑以賦與陳蔡從

服虔云賦兵也以田賦出兵故謂之賦正謂以兵從

也詩擊鼓正義

故宋公陳侯蔡人衛人伐鄭

服虔云衛使宋為主使大夫將故敘衛于陳蔡下詩擊鼓正義

衛人使右宰醜涖殺州吁于濮

服虔曰右宰醜衛大夫濮陳地史記衛世家注

衛人逆公子晉于邢

賈逵曰邢周公之姬姓國史記衛世家注

經五年考仲子之宮

服虔云宮廟初成祭之名為考將納仲子之主故考成以致其五祀之神以堅之正義

螟

劉歆以為又逆臧僖伯之諫貪利區霧以生羸蟲之孽也漢書五行志下上

傳公將如棠觀魚者

賈逵曰棠魯地陳漁而觀之史記魯世家注

以數軍實

鄭氏曰軍所以討獲曰實文選左太冲吳都賦注

昭文章

服虔引司馬職文正義。蔚案周禮大司馬職云中

諸侯載旂軍吏載旗師都載旛鄉遂載物郊野載旒百官載旗遂以獮田

不登于俎

服虔以登為升正義正

不登于器

服虔以登為成正義正

諸侯用六大夫四士二

服虔以用六為六八四十八大夫四為四八三十二

士二為二八十六正義。蔚案襄十一年鄭人賂晉侯以女樂二八知自上及下行列

有滅人數不滅杜注雖本何劭公然未若子慎之說為允

夫舞所以節八音而行八風

服虔以為八卦之風乾音石其風不周坎音革其風

廣莫良音匏其風融震音竹其風明庶巽音木其風

清明離音絲其風景坤音土其風涼兌音金其風閭

闔正義

經六年宋人取長葛

買服以為長葛不繫鄭者刺不能撫有其邑正義正

傳鄭人來渝平渝公穀作輸

服虔云公為鄭所獲釋而不結平于是更為約束以

結之故曰渝平正義正

經七年叔姬歸于紀

賈云書之者刺紀貴叔姬正義正

傳我朝于周發幣于公卿凡伯弗賓

服注云戎以朝禮及公卿大夫發陳其幣凡伯以諸侯為王卿士不脩賓主之禮敬報于戎是以冬天王使凡伯來聘還戎伐之於楚正以歸儀禮覲禮疏

及鄭伯盟歆如忘

服虔云如而也臨歆而忘其盟載之辭言不精也正義

經 八年蔡侯考父卒

古春秋左氏說諸侯薨赴于鄰國稱名則書名稱卒卒者終也取其終身又以尊不出其國五經異詁

傳 先配而後祖鍼子曰是不為夫婦誣其祖矣

賈逵以配為成夫婦也禮齊而未配三月廟見然後

配正義

鄭眾以配為同牢食也先食而後祭祖無敬神之心

故曰誣其祖也正義。蔚案左傳不與儀禮合未可援昏禮以駁賈鄭二詁多見孔氏之

不知量也

鄭康成以祖為被道之祭也先為配匹而後祖道言

未去而行配正義。蔚案康成本傳不云注左氏傳世說新語載鄭康成欲注春秋傳尚未

成時行與服子慎遇宿客舍先未相識服在外車上與人說已注傳意鄭聽之良久多與已同乃就車與語曰吾久欲注尚未了聽君向言多與吾同今當盡以所注與君遂為服氏注據此則鄭君亦有左氏注

矣服氏解誼多列衆說而折衷之此注或見解誼所引而孔氏錄入正義中亦未可知也

賈服之義大夫以上無問舅姑在否皆三月見祖廟之後乃始成昏故譏鄭公子忽先為配匹乃見祖廟

禮會子問正義

諸侯以字為諡因以為族

服虔云公之母弟則以長幼為氏貴適統伯仲叔季是也庶公子則以配字為氏尊公族展氏滅氏是也

正義正

官有世功則有官族邑亦如之

服虔止謂異姓又引宋司城韓魏為證正義正

經九年三月癸酉大雨震電庚辰大雨雪

劉歆以為三月癸酉於數春分後一日始震電之

時也當雨而不當大雨大雨常雨之罰也於始震電

八日之間而大雨雪常寒之罰也漢書五行志中下

傳先者見獲必務進

服虔云先者見獲言必不往相救各自務進言其貪

利也正義正

經十有一年

干寶云十盈則更始以奇從盈數故言有也正義正

傳爭長

服注云爭長先登授王儀禮覲禮疏

周之宗盟

賈逵以宗為尊正義

服虔以宗盟為同宗之盟正義

孫毓以為宗伯屬官掌作盟詛之載辭故曰宗盟正義

頰考叔挾輈以走

服虔云考叔挾車轅籠馬而走正義

使營菟裘吾將老焉

服虔曰菟裘魯邑也營菟裘以作宮室欲居之以終

老也史記魯世家注

公祭鍾巫

賈逵曰鍾巫祭名也史記魯世家注

館于為氏

服虔曰館舍也為氏魯大夫史記魯世家注

桓公

經元秋大水

劉歆以為桓易許田不祀周公廢祭祀之罰也漢書五行志

上志

傳鄭伯以璧假許田

糜信曰鄭以祊不足當許田故復加璧史記魯世家注

宋華父督見孔父之妻于路

服虔曰督戴公之孫史記宋世家注

目逆而送之

服虔曰目者極視睛不轉也史記宋世家注

經年二宋督弑其君與夷

賈氏以為督有無君之心故去氏隱四年正義

公會齊侯陳侯鄭伯于稷以成宋亂

鄭眾服虔皆以成宋亂為成就宋亂正義

蔡侯鄭伯會于鄧

賈服以鄧為國言蔡鄭會于鄧之國都正義

傳宋殤公立十年十一戰

服虔云與夷隱四年即位一戰伐鄭圍其東門再戰

取其禾皆在隱四年三戰取邾田四戰邾鄭入其邾

五戰伐鄭圍長葛皆在隱五年六戰鄭伯以王命伐

宋在隱九年七戰公敗宋師于菅八戰宋衛入鄭九

戰宋人蔡人衛人伐戴十戰戊寅鄭伯入宋皆在隱

十年十一戰鄭伯以虢師大敗宋師在隱十一年正義

史記宋世家注作賈注說同

是以清廟茅屋

賈逵云肅然清靜謂之清廟詩清廟正義

大路越席

服虔曰大路祀天車也越席結括草以為席也史記禮書

王肅曰不緣也史記禮書注

衡紃紘紼

鄭司農云衡維持冠者周禮追師注

藻率鞞鞞

服虔以藻為畫藻率為刷巾正義

鞞厲游纓

服虔云鞞大帶厲是大帶之垂者禮內則正義

三辰旂旗

服虔云纓如索帛今乘輿大駕有之正義

服虔云三辰日月星也謂之辰者辰時也日以照晝月以照夜星則運行于天民得取其時節故謂之辰也詩大明正義

服氏注云九旂之總名儀禮覲禮疏

錫鸞和鈴

服虔云鸞在鑣和在衡史記禮書注

師服曰

賈逵曰晉大夫史記晉世家注

士有隸子弟

服注云士卑自以其子弟為僕隸祿不足以及宗是

其有隸子弟也儀禮既夕疏

哀公侵陘庭之田

賈逵曰翼南鄙邑名史記晉世家注

經三年春正月

賈逵云不書王弒君易祓田成宋亂無王也元年治

桓二年治督十年正曹伯十八年終始治桓正義

有年

賈云桓惡而有年豐異之也言有非其所宜有正義

傳韓萬御戎

服虔云韓萬晉大夫曲沃桓叔之子莊伯之弟晉為

大夫以韓為氏詩韓奕正義。史記晉世家注作賈注說同

經五年蔡人衛人陳人從王伐鄭

服虔云言人者時陳亂無君則三國皆大夫也故稱

人詩伯兮序正義

大雩

賈逵曰言大別山川之雩蓋以諸侯雩山川魯得雩

上帝故稱大正義

服注云雩遠也遠為百穀祈膏雨言大別山川之雩

也禮月令正義

螽

劉歆以為貪虐取民則螽介蟲之孽也與魚同占漢書

五行志中下

州公如曹

服虔云春秋前以黜陟之法進爵為公正義

傳周公黑肩將左軍

賈逵曰莊王弟子儀也史記周本紀注

旒動而鼓

賈逵以旒為發石一曰飛石范蠡兵法曰飛石重十

二斤為機發行二百步正義。漢書甘延壽傳注。蔚案說文解字於部旒建大

木置石其上發以機以追敵也又唐書李密傳造雲旒三百具以機發石為攻城械號將軍礮是則賈氏旒為發石之說亦可云信而有徵矣杜預每好臆說旒為旂何據而吹聲之孔氏一意扶杜乃云發石不可見此猶瞽人之道白黑無足怪者

凡祀啟蟄而郊龍見而雩始殺而嘗閉蟄而烝

服虔注魯祭天以孟月祭宗廟以仲月禮王制正義

穎容以龍見即是五月正義

賈服始殺唯據孟春正義

服虔曰龍角亢也謂四月昏龍星體見萬物始盛待

雨而大故雩祭以求雨也劉昭續漢書注

經六年壬午大閱

賈注經云簡車馬于廟也公羊疏

傳楚武王侵隨

賈達曰隨姬姓史記楚世家注

吾牲牲肥腍

服虔曰牛羊曰肥豕曰腍正義

子同生

賈注云不稱大子者書始生禮曾子問正義

公問名於申繻

賈達曰申繻魯大夫史記魯世家注

以德命為義

服虔云謂若大王度德命文王曰昌文王命武王曰

發正義

不以畜牲

鄭眾服虔皆以六畜為馬牛羊豕犬雞正義

不以器幣

服虔以為俎豆壘彝犧象之屬皆不可以為名也正義

宋以武公廢司空

服注云武罕戴公聖樂甫衛之後禮檀弓下正義

傳七年穀伯鄧侯來朝名賤之也

服注云穀鄧密邇於楚不親仁善鄰以自固卒為楚所滅無同好之救桓又有弑賢兄之惡故賤而名之

正義正

經 祭公來遂逆王后于紀

左氏說王者至尊無敵體之義故不親迎使上卿迎之諸侯有故若疾病則使上大夫迎之上卿臨之

異誼

傳 非歎所也

服虔云古之為享會所以觀威儀省禍福無喪而戚憂必讐焉今太子臨樂而歎是父將死而兆先見也

正義正

經 齊人衛人鄭人盟于惡曹

服虔以為不書宋宋後盟

傳 君多內寵

服虔曰言庶子有寵者多

宋雍氏女於鄭莊公曰雍姑

賈逵曰雍氏黃帝之孫姑姓之後為宋大夫

雍氏宗有寵於宋莊公

服虔曰為宋正卿故曰有寵

經 衛侯

賈服注譏其不稱子禮曲禮下正義

傳夫固謂君

服虔云夫謂鬪伯比襄二十三年正義

不書所戰後也

服虔云不日者公至而後定戰日地之與日當同時

設期公既不及期地安得及期日也正義

經十四御廩災

劉歆以為御廩公所親耕籍田以奉粢盛者也棄法

度亾禮之應也漢書五行志上

乙亥嘗

服虔云魯以壬申被災至乙亥而嘗不以災害為恐

傳年十五正義使其壻雍糾殺之

賈逵曰雍糾鄭大夫史記鄭世家注

鄭伯因櫟人殺檀伯而遂居櫟

服虔曰檀伯鄭守櫟大夫櫟鄭之大都水經潁水注史記周本

傳年十六初衛宣公烝於夷姜

服虔云上淫曰烝詩雄雉序正義

宣姜與公子朔構急子

服虔曰構會其過惡詩二子乘舟正義

使盜待諸萃

服虔云萃衛東地詩二子乘舟正義

經十七 冬十月朔日有食之

劉歆以為楚鄭分漢書五行志下下

傳天子有日官諸侯有日御

服氏注云日官日御典 數者也周禮大史疏

日官居卿以底日

服注云是居卿者使卿居其官以主之重 數也周禮

太史疏

傳十八 齊侯通焉

服虔云傍淫曰通詩雄雉序正義

享公

服虔云為公設享讌之禮史記魯世家注

齊侯師于首止

服虔曰首止近鄭之地史記鄭世家注

蔡仲逆鄭子于陳而立之

服虔云鄭子昭公弟子儀也詩出其東門序正義

莊公

經元年 夫人孫于齊

春秋內傳右丘明字

上冊

大 二 酉 齋

賈逵服虔皆以為桓公之薨至是年三月期而小祥公憂思少殺念及于母以其罪重不可以反之故書

遜于齊耳詩南山序正義

服云蓋魯桓公之喪從齊來詩南山序正義

經三紀季以鄫入于齊

劉賈謂紀季以鄫奔齊不言叛不能專鄫也正義

賈逵以為紀季不能兄弟同心以存國乃背兄歸讐

書以譏之後漢書賈逵傳注

傳四入告夫人鄧曼曰

服虔曰鄧曼姓也史記楚世家注

經八師次于郎以俟陳人蔡人

賈逵云陳蔡欲伐魯故待之正義

服虔言欲共伐邾正義

傳齊侯使連稱管至父戍葵丘

賈逵曰連稱管至父皆齊大夫史記齊世家注

瓜時而往曰及瓜而代

服虔曰瓜時七月及瓜謂後年瓜時史記齊世家注

連稱有從妹在公宮

服虔曰為妾在宮也史記齊世家注

使間公

王肅曰侯公之間隙史記齊世家注

齊侯游于姑勞

賈逵曰齊地也史記齊世家注

見大豕從者曰公子彭生也

服虔曰公見彘從者乃見彭生鬼改形為豕也史記齊世家注

注家

豕人立而啼

服子慎曰啼呼也文選左太冲蜀都賦注

經九年公伐齊納子糾

賈逵曰不言公子次正也正義

齊小白入于齊

賈服以為齊大夫來迎子糾公不亟遣而盟以要之

齊人歸迎小白正義

齊人取子糾殺之

賈逵云稱子者愍之正義

傳雍廩殺無知史記齊世家雍廩作雍林

賈逵曰雍廩葵丘大夫也史記齊世家注

乃殺子糾于生竇史記齊世家生竇作笙瀆

賈逵曰魯地句瀆也史記齊世家注

及堂阜而稅之

賈逵曰堂阜魯北境史記齊世家注

管夷吾治于高僊

賈逵曰齊正卿高敬仲也史記齊世家注

傳十年蒙皋比而先犯之

服虔解引樂記曰倒載干戈包之以虎皮名之曰建橐而其字或作建皋正義正

傳十一年覆而敗之曰取某師

服虔云覆隱也設伏而敗之謂攻其無備出其不意敵人不知敗之易故曰取正義正

公使弔焉

賈逵曰問凶曰弔史記宋世家注

公以金僕姑射南宮長萬

賈逵曰南宮氏萬名宋卿史記宋世家注

宋公斲之

服虔云恥而惡之曰斲釋文

經十二年宋萬弑其君捷

宋萬賈氏以為未賜族正義正

傳宋萬弑閔公子蒙澤

賈逵曰蒙澤宋澤名也史記宋世家注

羣公子奔蕭公子御說奔亳

服虔曰蕭毫宋邑也史記宋世家注

陳人使婦人飲之酒而以犀革裹之

服虔曰宋萬多力勇不可執故先使婦人誘而飲之

酒醉而縛之史記宋世家注

宋人皆醢之

服虔曰醢肉醬史記宋世家注

傳十四 初內蛇與外蛇鬪於鄭南門中內蛇死六年而厲公入

厲公入

服虔云蛇北方水物水成數六故六年而厲公入正義

傳十六 曰不可使其叔無後於鄭

服虔云定叔之祖共叔段有伐君之罪宜世不長而

云不可使其叔無後於鄭言其刑之偏頗鄭厲公以

孽篡適同惡相恤故黨於共叔欲令其後不絕傳所

以惡厲公也正義

經十八 三月日有食之

勦歆以為晦魯衛分漢書五行志下下

傳秋有螽為災也

服云短狐南方盛暑所生其狀如鼈古無今有含沙

射人入皮肉中其瘡如疥徧身濩濩蟻蟻故曰灾周禮

蝮氏疏

傳二十 執燕仲父

服虔云南燕伯爵正義

樂及徧舞

賈逵曰徧舞皆舞六代之樂也史記周本紀注

傳二十 鄭伯享王于闕西辟

服虔云西辟西偏也當謂兩觀之內道之西也正義

王以后之鞶鑑予之號公請器王予之廠鄭伯由是始惡於王

服虔云鞶鑑王后婦人之物非所以賜有功廠飲酒器王廠也一升曰廠廠人之所貴者言鄭伯以其父

得賜不如號公為是始惡於王積而成怨正義

經二十 肆大眚

賈逵以文姜為有罪故赦而後葬以說臣子也魯大赦國中罪過欲令文姜之過因是得除以葬文姜正義

傳 羈旅之臣

賈逵曰羈寄旅客也史記陳世家注

翹翹車乘

服虔云翹翹遠貌詩漢廣正義

使為工正

賈逵曰掌百工史記齊世家注

臣卜其晝未卜其夜

服虔曰臣將享君必卜之示戒慎也正義。詩
湛露正義

五世其昌並于正卿

服虔曰言完後五世與卿並列史記陳
世家注

莫之與京

賈逵曰京大也史記陳
世家注

遇觀之否

賈逵曰坤下巽上觀坤下乾上否觀爻在六四變而

之否史記陳
世家注

風行而著于土

服虔曰巽在坤上故為著土也一日巽為風復為木

風吹木實落去更生他土而長育是為在異國正義

傳二十三年士蔿曰

賈逵曰士蔿晉大夫史記晉
世家注

經二十四年大夫宗婦覲用幣

賈云宗婦同姓大夫之婦詩常隸
正義

大水

勛歆以為先是嚴飾宗廟刻桷丹楹以夸夫人簡宗

廟之罰也漢書五
行志上

赤歸于曹

賈逵以為羈是曹君赤是戎之外孫故戎侵曹逐羈而立赤正義

傳女贄不過榛栗棗脩

先儒以為栗取其戰栗也棗取其早起也脩取其自脩也正義

經二十五年六月辛未朔日有食之

劉歆以為五月二日魯趙分漢書五行志下下

傳乃城聚而處之

賈逵曰聚晉邑史記晉世家注

禮二十六年十二月癸亥朔日有食之

劉歆以為十月二日楚鄭分漢書五行志下下

經二十八年大無麥禾

服虔曰陰陽不和土氣不養故禾麥不成也傳言饑而經不書者得齊之糴救民之急不至于饑也正義

臧孫辰告糴于齊

服虔云不言如重穀急辭以其情急于糴故不言如齊告糴乞師則情緩于穀故云如楚乞師正義

服又曰無庭實也儀禮聘禮疏

經二十九年新延廡

劉賈云言新有故木言作有新木延廡不書作所用

之木非公命也

正義正

有蜚

劉歆以為負蟻也性不食穀食穀為災介蟲之孽

漢書

五行志中下

城諸及防

賈逵云言及先後之辭

正義正

經三十齊人降鄆

劉賈依二傳以為鄆紀之遺邑

正義正

九月庚午朔日有食之

劉歆以為八月秦周分

漢書五行志下下

齊人伐山戎

服虔云山戎北狄蓋今鮮卑也

史記齊世家注

傳鬪射師諫

服虔云射師若敖子鬪班也

正義正

經三十城小穀

賈逵云不繫齊者世其祿

正義正

傳虞夏商周皆有之

服虔云虞舜祖考來格鳳皇來儀百獸率舞

正義正

初公築臺臨黨氏

賈逵曰黨氏魯大夫任姓

史記魯世家注

見孟任

賈逵曰黨氏之女史記魯世家注

從之闕

服虔曰從之言欲與通也正義

割臂盟公

服虔曰割其臂以與公盟史記魯世家注

圍人犂自墻外與之戲

蔚按圍猶扈也公羊作扈文異義同

服虔曰圍人掌養馬者犂其名也史記魯世家注

能投蓋于稷門

服虔曰能投千鈞之重過門之上也水經泗水注走蔚案杜注云走

而自投接其屋之椽反覆門上是臆說也劉規之是矣

使鍼季酖之

服虔曰鳩鳥一名運日鳥史記魯世家注

成季奔陳

服虔曰季友內知慶父之情力不能誅故避其難出

奔史記魯世家注

立閔公

服虔注云閔公於是年九歲閔二年正義

閔公

傳元因重固

服虔云重不可動因其不可動而堅固之正義

服虔曰三國皆姬姓魏在晉之蒲坂河東也史記晉世家注

分之都城

服虔曰邑有先君之主曰都史記晉世家注

而位以卿

賈逵曰謂將下軍史記晉世家注

先為之極

服虔曰言其祿位極盡於此史記晉世家注

為吳太伯不亦可乎

王肅曰太伯知天命在王季奔吳不反史記晉世家注

猶有令名與其及也

王肅曰雖去猶可有令名何與其坐而及禍也史記晉世家注

注家

卜偃曰

賈逵曰卜偃晉掌卜大夫郭偃史記晉世家注

萬盈數也魏大名也

服虔曰數從一至萬為滿魏喻巍巍高大也史記晉世家注

以是始賞天啟之矣

服虔曰以魏賞畢萬是為天開其福史記晉世家注

遇屯之比

賈逵曰震下坎上屯坤下坎上比屯初九變之比史記

晉世家注

辛廖占之曰吉

賈逵曰辛廖晉大夫史記晉世家注

服氏以為畢萬在周筮仕于晉正義

經年吉禘於莊公

王肅聖證論引賈逵說吉禘于莊公禘者遞也審遞

昭穆遷主遞位孫居王父之處禮王制正義

夫人姜氏孫于邾

賈服之說皆以文姜殺夫罪重故去姜氏哀姜殺子罪輕故不去姜氏正義

狄入衛

賈逵曰不與夷狄得志于中國詩定之方中正義

傳虢公敗犬戎于渭汭服虔本作渭隊王肅本作渭汭

服虔曰隊謂汭也水經渭水注

王肅曰汭入也水經渭水注

初公傅奪卜齷田

賈逵曰卜齷魯大夫也史記魯世家注

共仲使卜齷賊公于武闞

賈逵曰宮中之門謂之闈史記魯世家注

間于兩社

賈逵曰兩社周社亳社也兩社之間朝廷執政之臣

所在史記魯世家注

季氏亾則魯不昌

服虔云謂季友出奔魯弑二君正義

鶴有乘軒者

服虔曰車有藩曰軒正義

齊人使昭伯烝於宣姜

服虔云昭伯衛宣公之長庶伋之兄宣姜宣公夫人

惠公之母詩牆有茨正義

歸夫人魚軒

服虔云魚獸名詩采薇正義

重錦三十兩

服虔云重牢也正義

晉侯使太子申生伐東山臯落氏

賈逵曰東山赤狄別種史記晉世家注

服虔曰赤翟之都也水經河水注

里克諫曰

賈逵曰里克晉卿里季也史記晉世家注

以朝夕視君膳者也

服虔曰厨膳飲食

史記晉世家注

有守則從

服虔曰有代太子守則從之

史記晉世家注

從曰撫軍

服虔曰助君撫循軍士

史記晉世家注

君與國政之所圖也

賈逵曰國政正卿也

史記晉世家注

教之以軍旅

賈逵曰將下軍

史記晉世家注

無懼弗得立

服虔曰不得立已

史記晉世家注

公衣之偏衣

服虔曰偏袷之衣偏異色駁不純袷在中左右異故

曰偏衣

史記晉世家注

佩之金玦

服虔曰以金為玦也

史記晉世家注

是服也狂夫阻之

服虔曰阻止也方相之士蒙

衣朱裳主索室中毆

疫號之為狂夫止此服言君與太子以狂夫所止之

服衣之正義

衛文公大布之衣大帛之冠

服虔曰戴公卒在於此年詩定之方中正義

僖公

經元年夫人氏之喪至自齊

賈逵曰殺子輕故但貶姜正義

傳公敗邾師于偃虛邾之戍將歸者也

服虔云虛邾魯邑魯有亂邾使兵戍虛邾魯與邾無怨因兵將還要而敗之所以惡僖公也正義

公賜季友汶陽之田及費史記魯世家費作鄆

賈逵曰汶陽鄆魯二邑史記魯世家注

經二年城楚丘

賈逵曰衛地也史記齊世家注

齊侯宋公江人黃人盟于貫

賈云江黃稱人刺不度德善隣恃齊背楚終為楚所

滅正義

傳晉荀息請以屈產之乘

服氏謂產為產生也公羊疏

假道于虞以伐虢

賈逵曰虞在晉南虢在虞南史記晉世家注

冀爲不道入自顛軫代鄭三門

服虔謂冀伐晉也正義

服又曰鄭晉別都劉昭續漢書注

冀之既病則亦唯君故

服虔謂虞助晉也將欲假道稱前恩以誘之正義

滅下陽

服虔曰下陽號邑也在太陽東北三十里史記晉世家注。水

經河水注

經年三月正月不雨夏四月不雨

賈逵取穀梁以爲說曰時而言不雨文不憂雨也

不憂雨者無志乎民也言僖有憂民之志故每時一

書文無憂民之志是以時總書正義

傳蕩公

賈逵曰蕩搖也史記齊世家注

經年四蔡潰

賈逵曰民逃其上曰潰也史記齊世家注

許男新城卒

賈逵曰不言于師善會主加禮若卒于國正義

楚屈完來盟于師

服虔云言來者外楚也嫌楚無罪言來以外之正義

傳唯是風馬牛不相及也

服虔云風放也牝牡相誘謂之風

正義。尙書費誓正義作賈逵說同

昔召康公命我先君大公

服虔云召公奭

史記齊世家注

五侯九伯女實征之

服虔云五侯公侯伯子男九伯九州之長太公爲王

官之伯掌司馬職以九伐之法征討邦國故得征之

詩旄止

正義

東至于海西至于河南至于穆陵北至于無棣

服虔曰是皆太公始受封土地疆境所至也

史記齊世家注

爾貢包茅不入王祭不共

賈逵曰包茅菁茅包匭之也以供祭祀

史記齊世家注

昭王南征沒而不復寡人是問

服虔曰周昭王南巡狩涉漢未濟船解而溺昭王王

室諱之不以赴諸侯不知其故故桓公以爲辭責問

楚也

史記齊世家注

楚國方城以爲城漢水以爲池

服虔曰方城山在漢南

史記齊世家注

服虔曰漢水名皆楚之隘塞耳

詩殷武正義

筮短龜長

馬融曰筮史短龜史長周禮占人疏

且其繇曰

服虔曰繇抽也抽出吉凶也易釋文

太子祭于曲沃

服虔曰齊姜廟所在史記晉世家注

經五月九月戊申朔日有食之

劉歆以為七月秦晉分漢書五行志下下

傳公既視朔遂登觀臺以望而書禮也

賈服之義若登臺而不視朔則書時不書月若視朔而不登臺則書月不書時若雖無事視朔登臺則空

書時月禮中庸正義

左氏說天子靈臺在太廟之中雖之靈沼謂之辟廱

諸侯有觀臺亦在廟中皆以望嘉祥也五經異詁

服氏云人君入太廟視朔告朔天子曰靈臺諸侯曰

觀臺在明堂之中禮玉藻正義通典四十四

凡分至啟閉必書雲物為備故也

鄭眾云以二至二分觀雲色青為蟲白為喪赤為兵

荒黑為水黃為豐周禮保章氏注

狐裘龍茸一國三公吾誰適從

服虔曰蒙茸以言亂貌三公言君與二公子將敵故

不知所從史記晉世家注

披斬其祛

服虔曰祛袂也史記晉世家注

諺所謂輔車相依

服虔云輔上領車也與牙相依詩碩人正義

虢仲虢叔

賈逵曰虢仲封東虢制是也虢叔封西虢虢公是也

正義

馬融曰虢叔同母弟虢仲異母弟虢仲封下陽虢叔

封上陽正義

其愛之也服虔本其作甚

服虔註云愛之甚當謂愛桓莊之族甚也正義

民不易物惟德繫物

服虔注云繫發聲也言黍稷牲玉不易無德薦之則

不見饗有德則言饗詩河酌正義

均服振振

賈服等皆為均均同也周禮雞人疏

服虔曰衿服黑服也文選潘安仁閑居賦注

而修虞祀

服虔曰虞所祭祀命祀也史記晉世家注

傳六年晉侯使賈華伐屈

賈逵曰賈華晉右行大夫史記晉世家注

傳八年以敗狄于采桑

服虔曰翟地史記晉世家注

凡夫人不薨于寢不殯于廟

服氏云不薨于寢寢謂小寢不殯于廟廟謂殯宮鬼

神所在謂之廟禮檀弓下正義

傳九年以伯舅耆老

服虔云七十曰耆詩車輶正義。禮射義正義。

里克丕鄭欲納文公史記晉世家丕鄭作邳鄭

賈逵曰邳鄭晉大夫史記晉世家注

故以三公子之徒作亂

賈逵曰三公子申生重耳夷吾史記晉世家注

及高粱而還

服虔曰晉地也史記齊世家注

公謂公孫枝曰史記秦本紀枝作支

服虔曰秦大夫公孫子桑史記秦本紀注

傳十年周公忌父

賈逵曰周卿士史記晉世家注

子弑二君與一大夫

服虔曰奚齊卓子荀息也史記晉世家注

狐突適下國

服虔曰晉所滅國以為下邑一曰曲沃有宗廟故謂之國在絳下故曰下國也史記晉世家注

夷吾無禮

賈逵云烝於獻公夫人賈君故曰無禮正義

馬融云申生不自明而死夷吾改葬之章父之過故

曰無禮正義

余得請於帝

服虔曰帝天帝請罰有罪史記晉世家注

傲於韓

賈逵曰傲敗也韓晉韓原史記晉世家注

及七輿大夫

服虔曰下軍之輿帥七人屬申生者襄二十三年下

軍輿師七人往前申生將下軍今七輿大夫為申生

報怨欒盈將下軍故七輿大夫與欒氏正義。蘇案服子春說甚

是杜氏以臆說易之何也

經十二年三月庚午朔日有食之

劉歆以為三月齊衛分漢書五行志下

傳齊侯使管夷吾平戎于王使隰朋平戎于晉

服虔曰戎伐周晉伐戎救周故和也史記周本紀注
若節春秋

賈逵曰節時也史記周本紀注

王肅曰春秋聘享之節也史記周本紀注

陪臣敢辭

服虔曰陪重也諸侯之臣於天子故曰陪臣史記周本紀注

王曰舅氏

賈逵曰舅氏言伯舅之使也史記周本紀注

傳 十三 謂百里

服虔曰秦大夫史記晉世家注

自雍及絳相繼

賈逵曰雍秦國都絳晉國都也史記秦本紀注

經 十四 沙鹿崩

服虔云沙山名鹿山足林屬於山曰鹿正義

經 十五 五月日有食之

劉歆以為二月朔齊越分漢書五行志下下

已卯晦震夷伯之廟

劉歆以為春秋及朔言朔及晦言晦人道所不及則

天震之展氏有隱慝故天加誅於其祖夷伯之廟以

譴告之也漢書五行志下上

傳 公曰不孫

服虔曰孫順

史記晉世家注

步揚御戎家僕徒為右

服虔曰二子晉大夫也

史記晉世家注

號射為右

服虔曰號射惠公舅

史記晉世家注

輅秦伯

服虔曰輅迎也

史記晉世家注

晉於是乎作爰田

服虔云爰易也賞眾以田易其疆畔

正義。葦案爰田即周官之賞

田也秦用商君亦作爰田

其繇曰士刳羊亦無益也女承筐亦無貺也

服虔以離為戈兵兌為羊震變為離是用兵刺羊之

象也三至五有坎象坎為血血在羊上故刺無血也

震為竹竹為筐震變為離離為火火動而上其施不

下故筐無實也

正義

西鄰責言不可償也

服虔以為三至五為坎坎為月月生西方故為西鄰

坎為水兌為澤澤聚水故坎責之澤澤償水則竭故

責言不可償

正義

歸妹之睽猶無相也

服虔云兌為金離為火金火相遇而相害故無助也

正義

為雷為火為羸敗姬

服虔云離為日為火秦羸姓水位三至五有坎象水

勝火故為羸敗姬正義

車說其輶火焚其旗不利行師敗于宗正

服虔云五至三有坎為水象震為車車得水而脫其輶也震為龍龍為諸侯旗離之震故火焚其旗也震東方木兌西方金木遇金必敗韓有先君之宗廟故

曰宗正正義

寇張之弧

服虔云坎為寇為弓故曰寇張之弧正義

此一役也

服虔云一役者謂韓戰之役正義

饋七牢焉

賈逵曰諸侯雍餼七牢牛一羊一豕一為一牢也史記

秦本紀注

箕子曰其後必大

服虔以為紂之庶兄正義

王肅以箕子為紂之諸父

史記宋世家注

傳

十六年

六鷁退飛過宋都風也

史記宋世家鷁作鷁

劉歆以為風發於它所至宋而高鷁高蜚而逢之則退經以見者為文故記退蜚傳以實應箬言風常風之罰也象宋襄公區霧自用不容臣下逆司馬子魚之諫而與彊楚爭盟後六年為楚所執應六鷁之數

云

漢書五行志下上

賈逵曰風起于遠至宋都高而疾故鷁逢風却退

史記

宋世家注

君失問是陰陽之事非吉凶所生也

服虔云鷁退風咎君行所致非吉凶所從生襄公不

問已行何失而致此變但問吉凶焉在以為石隕鷁

退吉凶所從而生故云君失問

正義

傳

十七年

故名男曰圉女曰妾

服虔曰圉人掌養馬臣之賤者不聘曰妾

史記晉世家注

齊侯好內

服虔曰內婦官也

史記齊世家注

宋華子

賈逵曰宋華氏之女子姓

史記齊世家注

雍巫有寵于衛共姬

賈逵曰雍巫雍人名巫易牙字史記齊世家注

因內寵以殺羣吏

服虔曰內寵如夫人者六人羣吏諸大夫也史記齊世家注

傳十九年乃溝公宮

賈逵曰溝塹也史記晉世家注

經二十一年新作南門

賈逵曰言新有故木言作有新木正義

傳凡啓塞從時

服虔云闔扇所以開鍵閉所以塞月令仲春修闔扇孟冬脩鍵閉從時從此時也正義

滑人叛鄭而服于衛

賈逵曰滑姬姓之國史記周本紀注

傳二十一年修城郭

服虔曰國家凶荒則無道之國乘而加兵故脩城郭

為守備也正義

傳二十二年寡君之使婢子侍執巾櫛

服虔曰曲禮曰世婦以下自稱婢子婢子婦人之卑

稱史記晉世家注

富辰言于王曰

服虔曰富辰周大夫史記周本紀注

傳

二十三年以討其不與盟于齊也

服虔曰魯僖公十九年諸侯盟于齊以無忘桓公之

德宋襄公欲行霸道不與盟故伐之史記齊世家注

策名委質

服虔注云古者始仕必先書其名於策委死之質於

君然後為臣示必死節於其君也史記仲尼弟子傳注

司空季子

服虔曰胥臣曰季也史記晉世家注

狄人伐廕咎如

賈逵曰赤狄之別隗姓史記晉世家注

出於五鹿

賈逵曰衛地史記晉世家注

姜氏殺之

服虔曰懼孝公怒故殺之以滅口史記晉世家注

宋襄公贈之以馬二十乘

服虔曰八十匹史記宋世家注

其辟君三舍

賈逵曰司馬法從遯不過三舍三舍九十里也史記晉世家注

降服而囚

服虔云申意於楚子伸於知已降服於懷羸屈於不

知已正義

傳二十四年臣負羈繼

服虔云一曰犬繯曰繼古者行則有犬正義

軍于郇

服虔曰郇國在解縣東郇瑕氏之墟也水經涑水注

朝于武宮

賈逵曰文公之祖武公廟也史記晉世家注

晉侯逆夫人羸氏以歸

服虔曰繆公女史記秦本紀注

上下相蒙

服虔曰蒙欺也史記晉世家注

以縣上為之田

賈逵曰縣上晉地史記晉世家注

且旌善人

賈逵曰旌表也史記晉世家注

王使伯服游孫伯如鄭請滑

賈逵曰二子周大夫史記周本紀注

鄭伯怨惠王之入而不與厲公爵也

服虔曰惠王以后之鞶鑿與鄭厲公而獨與虢公王

爵史記周本紀注

又怨襄王之與衛滑也

賈逵曰滑小國近鄭世世服從而更違叛鄭師伐之

聽命後自愬于王王以與衛史記周本紀注

昔周公弔二叔之不咸故封建親戚以蕃屏周

鄭衆賈逵皆以二叔為管叔蔡叔傷其不和睦而流

言作亂故封建親戚正義○詩常棣序正義

馬融以為夏殷叔世正義○詩常棣序正義

名穆公思周德之不類

服虔注云穆公召康公十六世孫然康公與成王同

時穆公與厲王並世而世數不同者生子有早晚壽

命有長短故也詩民勞序正義

服又曰召穆公王卿士詩黍苗序正義

又有厲宣之親

服虔云母弟詩鄭譜正義

膳焉

左氏說宗廟之肉名曰膳許春五經異詁今見周禮大宗伯疏

經二十五年公會衛子莒慶盟于洮

服虔云明不失子道禮曲禮下正義○葢案杜注云衛文公既葬成公不稱爵者述

父之志降名從未成君故書子以善之則已之既葬除服之說不善可知矣

春秋內傳古生輯序

上冊

二酉齋

傳遇黃帝戰于阪泉之兆

服虔曰阪泉地名史記五帝本紀注

次于陽樊

服虔曰陽樊周地陽邑名也樊仲山之所居故曰陽

樊史記晉世家注

晉于是始啟南陽

馬季長曰晉地自朝歌以北至中山為東陽朝歌以

南至軹為南陽水經清

傳二十六年公使展喜犒師

服虔云以師枯槁故饋之飲食勞苦謂之勞也正義

室如縣罄

服虔云言室屋皆發撤榱椽在如縣罄正義

夔子不祀祝融與鬻熊

服虔曰夔楚熊渠之孫熊摯之後夔在巫山之陽秭

歸鄉是也史記楚世家注

凡師能左右之曰以

劉賈許顓取晉人執季孫以歸劉子單子以王猛居

于皇尹氏毛伯以王子朝奔楚隨示以義正義

又云諸稱以皆小以大下以上非其宜也正義

傳二十七年作三軍

春秋內傳古注通字

上冊

卷二 西齋

王肅曰始復成國之禮半周軍也史記晉世家注
讓於欒枝先軫

賈逵曰欒枝欒賈之孫史記晉世家注

經二十八年楚殺其大夫得臣

賈氏以為陋隱四年正義

盟于踐土

賈逵曰踐土鄭地名在河內史記周本紀注

天子狩于河陽

賈逵曰河陽晉之温也史記周本紀注
水經河水注

傳還自南河濟

服虔曰南河濟南之東南流河也史記衛世家注

衛侯出居于襄牛

服虔曰衛地也史記晉世家注

非敢必有功也願以間執讒慝之口

服虔曰子玉非敢求有大功但欲執為賈讒慝之口

謂子玉過三百乘不能入也史記晉世家注

子玉使宛春告於晉師

賈逵曰宛春楚大夫史記晉世家注

次于城濮

賈逵曰衛地也史記晉世家注

楚之伏已而監其腦

服虔云如俗語相罵云噍女腦矣

正義。葢案說文噍作嚼子答切楊

子太元曰噍鈎謂須也荀子曰鈎有須須鈎曲故曰鈎噍猶口

作王宮于踐土

服虔曰既敗楚師襄王自往臨踐土賜命晉侯晉侯

聞而為之作宮

史記晉世家注

駟介百乘徒兵千

服虔曰駟介駟馬被甲也徒兵步卒也

史記晉世家注

王命尹氏及王子虎

賈逵曰王子虎周大夫

史記晉世家注

策命晉侯為侯伯

鄭司農云策謂以簡策書王命

周禮內史注

大輅之服

賈逵曰大輅金輅

史記晉世家注

彤弓一彤矢百莖弓矢千

賈逵曰彤弓赤莖弓黑也諸侯賜弓矢然後征伐

史記

晉世家注

秬鬯一卣珪瓚

賈逵曰秬黑黍鬯香酒也所以降神卣器名諸侯賜

珪瓚然後為鬯

史記晉世家注

虎賁三百人

賈逵曰天子卒曰虎賁史記晉世家注

重耳敢再拜稽首

賈逵曰稽首首至地史記晉世家注

王子虎盟諸侯于王庭

服虔曰王庭踐土也史記晉世家注

初楚子玉自為瓊弁玉纓

服虔曰謂馬飾禮王制正義

士榮為大士

鄭司農云士謂主斷刑之官周禮大司徒注

晉侯作三行以禦狄

服虔曰辟天子六軍故謂之三行史記晉世家注

傳二十九年介葛盧聞牛鳴曰是生三犧皆用之矣

賈服注云言入律之音聽禽獸之鳴則知其嗜欲死

可知伯益明是術故堯舜使掌朕虞至周失其道官

又在四夷周禮夷隸疏。藪案疏但曰注云而知為賈服注者以注下即云賈服意誤不與禮

合故為此說云云定之耳

傳三十饗有昌歜

服氏云昌歜昌本之菹周禮籩人疏

鹽虎形

鄭司農云築鹽以為虎形周禮邊人注

服云尅形周禮邊人疏

東門襄仲將聘于周遂初聘于晉

賈服解為先聘晉後聘周正義

經三十猶三望

賈逵服虔以為三望分野之星國之山川正義

經三十隕霜不殺草

劉歆以為艸妖也漢書五行志中下

傳秦師輕而無禮

服虔云無禮謂過天子門不橐甲束兵而但免胄正義

唯是脯資餼牽竭矣

鄭司農云牽牲牢可牽而行者周禮小宰注

服氏以為腥曰餼儀禮聘禮疏

子墨衰經

賈逵曰墨變凶史記晉世家注

遂墨以葬文公

服虔曰非禮也史記晉世家注

文夫人斂而葬之鄆城之下

服虔曰鄆城故鄆國之墟詩鄭譜正義

特祀于主烝嘗禘于廟

服註云特祀於主謂在寢烝嘗禘于廟者三年喪畢
遭烝嘗則行祭皆於廟焉遭烝嘗乃於廟則自三年
以前未得遷於廟而禘祭

儀禮士虞禮疏。禮檀弓下正義。

春秋內傳古注輯存上冊終

書